

# Bengkel Semakan Kurikulum dan Mobiliti Pelajar ke arah memenuhi keperluan semasa majikan

VB 25.7.2019 B2

KOTA KINABALU: Fakulti Perniagaan, Ekonomi dan Perakaunan, Universiti Malaysia Sabah (UMS) baru-baru ini menganjurkan Bengkel Semakan Kurikulum dan Mobiliti Pelajar bertujuan sebagai suatu usaha dalam melihat keperluan semasa yang dikehendaki oleh pihak majikan pada masa kini.

Bengkel ini melibatkan beberapa pengisian penting antaranya termasuklah sesi forum '*Enhancing Graduates Capabilities Toward IR 4.0*', sesi bersama PKPKA UMS, pembentangan kurikulum program dan lain-lain lagi.

Sesi forum '*Enhancing Graduates Capabilities Toward IR 4.0*' melibatkan sesi perkongsian daripada wakil industri (Rose SP Chong, CIMB Bank), wakil alumni (Zahir Ridwan Zainal, Sabah Credit Corporation) dan wakil pelajar (Wan Azmir Ali, pelajar FPEP) bersama-sama dengan moderator forum Prof Datuk


Dr Kasim Md Mansur, dalam usaha membincangkan kebolehpasaran graduan universiti dan keperluan semasa yang dikehendaki oleh pihak majikan di luar sana.

Selain itu, sesi bersama Prof Dr Vincent Pang Ah Fook (Pengarah, Pusat Kecemerlangan Pengajaran dan Kualiti Akademik UMS) turut diadakan khususnya dalam memberi penerangan dan perbincangan bersama kaedah penyampaian serta penilaian pelajar pada masa kini.

Di samping itu, sesi-sesi lain pengisian program antaranya termasuklah sesi pembentangan kursus teras disiplin, pembentangan program dan semakan kurikulum oleh semua program di FPEP.

Program bengkel ini juga turut melibatkan penyertaan beberapa orang pelajar fakulti.

Presiden PMFPEP sesi 2019/2020 Noriqmal Ariff Norhisham berkata, penglib-



SESI bergambar Dekan FPEP Prof Madya Dr Raman Noordin bersama semua peserta bengkel.

atan pelajar FPEP khususnya di dalam program ini sangat signifikan dan memberi erti bukan sahaja kepada pengurusan fakulti "tetapi juga kami sebagai seorang pelajar dalam memahami konteks semasa kehendak dan keperluan industri di luar sana khususnya di dalam sesi forum khas bersama wakil industri, alumni dan pe-

lajar FPEP sendiri."

Menurut Dekan FPEP UMS Prof Madya Dr Raman Noordin, melalui pengajuran program ini usaha bagi menyusun semula kurikulum pengajaran dan pembelajaran berdasarkan kehendak dan keperluan semasa pasaran kerja di luar sana dapat dilakukan bagi memastikan program

yang ditawarkan sentiasa mempunyai nilai tinggi dari masa ke semasa.

Program ini diadakan di Hotelab, Fakulti Perniagaan, Ekonomi dan Perakaunan, UMS melibatkan seramai 60 orang peserta khususnya warga FPEP termasuklah kakitangan akademik dan pentadbiran serta pelajar fakulti.